

Կողայոսի մնացեալ առանց եկեղեցւոյ իբր անտէրունջ
 թափառէին այսր եւ անդր ամ մի ողջոյն, և ոչ ոք էր
 որ ժողովէր զնոսա, և կամ փոյթ տանէր վասն նոցա: Ապա
 ինքեանք միաբանեալ գտին զեկեղեցի մի Յունաց յանուն
 Հրեշտակապետի 'ի ներքոյ դրան Պալատու՝ փակեալ 'ի
 խաւարջտին տեղւոջ 'ի մէջ Հրէից, եղին 'ի մտի 'ի ձեռս
 բերել զայն, բայց մեծամեծ ծախուց պէտս ունէր, և զի
 ոչ ունէին գլուխ և առաջնորդ զոք յորդորիչ ժողովրդեան
 'ի սէր և 'ի խաղաղութիւն: Ի նոյն առուսա՝ եկն 'ի Կոս-
 տանդինուպօլիս Արիստակէս վարդապետ Սարբերդցի, դի-
 մեցին առ նա քահանայք և ժողովուրդք այնոքիկ՝ հար-
 ցանել խորհուրդ 'ի նմանէ, և նա քաջալերական բանիւք
 խրախուսեաց զնոսա, պինդ կալ և չլքանիլ 'ի խորհրդոց,
 և ես ինքնին ասէ՝ գլուխ և առաջնորդ եղէց ձեզ 'ի գը-
 լուխ տանել զգործն, և առեալ տարան զնա 'ի Սասգիւղ,
 և նորա կոչեալ զժողովուրդն յորդորական բանիւք հաւա-
 նեցոյց զնոսա 'ի գործն, և ինքն ժողովեաց ոսկի և ար-
 ծաթ բազում առ 'ի հողալ զծախսն. ապա չոքաւ առ
 Վէզիրն մեծ՝ և առ մեծամեծս դրան, և ծանուցեալ ըզ-
 խնդիրն հաճեցոյց զմիտս նոցա: Իբրեւ լուան զայս Յոյնք՝
 պատրաստեցան 'ի կռիւ ընդ ազգին Հայոց, առ 'ի չտալ
 զեկեղեցին, այլ Հայք զօրացեալ յաղթահարեցին զնոսա,
 եւ Վէզիրն մեծ Րէճէպ Փաշայ՝ կոչեալ առ ինքն զօմանս
 'ի Հայոց ետ նոցա հրովարտակ Արքունի, եւ առաքեաց
 ընդ նոսա զարս երկուս 'ի նուիրակապետաց իւրոց՝ բա-
 նալ զեկեղեցին և յանձն առնել նոցա: Եւ եղեւ ուրախու-
 թիւն մեծ Հայոց, սակայն սկսան խորհիլ՝ զի մեծամեծ
 ծախուց և աշխատութեանց պէտս ունէր, զի եկեղեցին էր
 կարի փոքր՝ միմիայն աւերեալ և խախտեալ 'ի հիմանէ: Եւ
 'ի ամին ժամանակի անուանի էր 'ի մէջ ազգին Տիվրիկեցի
 Աստուածատուր՝ Պաշլուճի կոչեցեալ, այր Աստուածասէր
 և մեծահանճար՝ որ քաղցրութեամբ բարուց իւրոց լեալ էր
 սիրելի յաչս մեծամեծաց դրան, և հաւատարիմ բարե-
 կամ Գրիգորի Պատրիարքին Երուսաղէմի: Սա բազում
 աշխատութեամբ դեգերեալ 'ի դրունս մեծամեծաց՝ եհան
 հրաման նորոգելոյ զեկեղեցին, և էառ զամենայն կարեւոր
 գրեանս: Իբրեւ լուան զայսոսիկ կուսակիցք Կեսարացւոյն